



## Tractament cun metadon en l'execuziun da chastis

- **Vus faschais gia in tractament cun metadon**

Il medi dal stabiliment per l'execuziun giudiziala Realta (dr. med Walter Huber, 7408 Cazas, tel. 081 650 04 40) basegna da Vossa media u da Voss medi che As tracta ina brev d'assegnaziun che cuntegna la medicaziun actuala.

- **Vus essas dependent da tissis enivrants, na faschais dentant nagin tractament cun metadon**

Suenter in discurs da scleriment cun il medi dal stabiliment pudais Vus vegnir prendì si en il tractament cun metadon. Per quest intent vegn emplenì in questunari da proposta e d'entrada e preschentà al medi chantunal per l'approvaziun.

### Reducziun dal metadon e dischintoxicaziun

Da smetter cun il tractament cun metadon è raschunaivel, sch'il mintgadi senza medicaments è preparà e cler. Cun quai manegjain nus che Vossa situaziun persunala e sociala è stabila e n'avess betg dad esser influenzada dad auts e da bass. Ultra da quai na stuessas Vus betg star davant u en ina sfida gronda (relaschada; cumenzament d'ina lavur, midada da domicil e.u.v.) u davant ina fasa da vita turbulenta (crisis en las relaziuns e.u.v.).

Il tractament cun metadon è per regla in program a lunga durada e betg adattà per superar a curta vista ina crisa da drogas. La stabilitad ch'è vegnida cuntanschida en l'execuziun da chastis na permetta betg automaticamain che quai ch'è vegnì cuntanschì en l'execuziun da chastis possa vegnir mantegnì a l'exteriur (en il congedi, tar la lavur en l'externat u suenter la relaschada). Pervia da quai stuain nus examinar criticamain, sch'ina reducziun e/u sch'ina dischintoxicaziun sa cunfa cun il svilup persunal u sch'i stuess vegnir cuntinuà cun il program fin al mument, nua che las cundiziuns per midadas èn pli favuraivlas.